



NA TE'SIPUNQELEG 2020

Siawinnui'sulti'gw

Siawimegitelsulti'gw

Siawignu'tmasulti'gw

Gisite'tg:

Brandon Mitchell

Gisimawilugwatmi'tij:

Vicky Metallic

Milaine Mercier-Pitre

Mary Ann Metallic

Janice Vicaire

Napwi'gigng Gisa'laji: Brandon Mitchell

Copyright © 2021 Listuguj Education, Training & Employment
All rights reserved. Images cannot be duplicated or reproduced without
written consent of the copyright holders of this resource.

Title : Na Te'sipunqegeg 2020

ISBN : 978-1-989538-25-5

Date : 202103



“Siawiminuignewa’tu’g ‘Gtli’sutiminu”
Listuguj Education, Training & Employment
1 Riverside West,
Listuguj, QC G0C 2R0
www.listuguj.ca

Funded by the
Government
of Canada

Canada 



NA TE'SIPUNQELEG 2020



*Nige' na tele'g: ta'pu pituipnnaqanipunqeg
jel tapuisga'q. Etltiaq 'nnue'gatig Listuguj.*

*Jini na e'pite'ji'j metla'sipuna't jel si'st aqq
etlgina'masit AGS. Agnutg ta'n telnmitoq
goqwei weja'tegemgeg neia's'geg na
'gsnugowaqan telwisig COVID-19.*



'Lpa mu telta'siwap tIma'munipiltua's'gt'tew
goqwei.


Ala'sin 'nnue'gatig tlueness mu
goqwei 'nsanoqoninug.
Gatu gepjoqa'tas'g'pnn awti'l.

Nujj telimip, mu na amuj pa pas'g
eimu'tim'g lamuguomg, me' gelu'lg
siawmillugwemg.



'Ngij pewalit gaqi'sg gasiptna'sin.
Gisgnua'tuit ala's'g 'gsnugowaqan
telwisig COVID-19 aqq wetqolut 'ms't
wen se'siala'sin. Toqo 'Ipa lien na'tami,
ma' gisigigja'sualawt wen aqq amuj pa
ugsisgwei nasgmn.

Geitu ma' ne'gaw tlianug na. Glapis na app
gisimawmilita'tesnen nitapaq. Gatu pe'l
nige' amuj pa na siawqatg wen wiguaq.



Eimu'tijig mimajuinu'g ta'n apoqonmua'utijig.

Na'tuen jel pegising nige'.



Nujiwissugwataqatijig AGS
petgitmugsiegig mijipjewei.

O'! Uliatew 'pgisitoq galgunawe'l ta'n
mawwigtmann.


Mi'walgig ta'nig nige' etliangweiugsiegig,
aqq ta'nig me' etllugutijig.



'Ngij gisgaja'tuip mewlia'gowe.
Nige' gisgajei 'pqojigina'masin.

Nujigina'muet pewalugsieg
siawignu'tmasultinen.
Na gisgug *zoom*-ewultieg.

O! Me' gatu musualgig nitapaq.
Nenaqite'tm nmian 'ms't wen.



Tewjiulta'sultieg gisinmi'tultieg nitapaq
Aligji'j, Galolin, Tuma, Mise'l aqq Al's,
'Ipa 'ms't wen newtsiniw gelusit.



Na nujigina'muet teluet pas'g i'ngute'jit
wen gisglusitew. Gatu 'ms't wen
ignmuaten tlewo'gwen. Negm getu'gji'toq
ta'n tellugwep 'ms't wen wiguaq.



Nujigina'muet tmg pipanimatl Aligji'jal
agnutmnin ta'n tellugwep.

Aligji'j teluet apoqonmuapnn uggwijn
plamue'genniteg. Telimugsieg'p amgwes
wije'watl najisigwennij. Gesatg'p ta'n
teliweliewipg sipu na egsitpu'geg.

Na Aligji'j musga'latl napwi'gignn.



Na nujigina'muet pipanimatl Galolinal
agnutmnin ta'n negm tellugwep.

Galolin teluet getantoqopnn ma'susi'l
gesp'te'g. Ujji elals'pnn ta'n tett
etlipugweligwegl.



Nige' Tuma agnutg. Ginite'tg ta'n
teliapoqonmuapnn uggwijnl epipnennij.
Asugom te's'gl gisitu'tipnn pipnaqann.
Getu'pipanimatl uggwijnl gisismuetun
ta's'gl. Me' gatu welamu'gul! Net na
wigapu'gul.



Mise'l musga'latl napwi'gignn
etliapoqonmuatl ujjl iga'taqennij.


Nujigina'muet pipanimatl Mise'lal ta'n
goqwei gisiiga'taqatmi'tij. Mise'l teluet
gisiiga'taqala'tiji tap'tang, enmapejig aqq
pitlanji'jg. Elg gisiiga'taqatmi'titl
piesgminn aqq esg'tm'gewe'l.

Uliatew Mise'l musga'tugsieg igtigl
napwi'gignn ta'n tujiw gisigweg
'ms't goqwei.



Al's welta'sit glapis gistlewo'gwen.
Negm aqq uggwijn eli'sewepnig.
Gisitu'titl ugsisgwe'l.

Al's uggwijn teluenisnn ugsisgwei na
apoqonmagutew wen mu 'msugsin na
'gsnugowaqan telwisig COVID-19.
Tepiaqal gisitu'tisnn ugjit wigmamua
aqq alt witapua. Tlueness ujjl
welaptmnnij negmewei.




Pipanimipnig ta'n ni'n tellugweiap.
Telimg'pnig gisgug ni'n amalwi'g'g'p
mesgilg ila'sgw ugjit no'gmaw Pie'l.
Negm ajipuna't gisgug. Majulgwattesnen
igtigl tepaqann glapis Pie'leg aqq
nespipipugutitesnen. Ni'n tuasga'la's
na ila'sgw ta'n gisiamalwi'g'g'p ugjit
Pie'l nmian.



'Ngij gismigwimit amuj pa na
apuggig maita'ieg.

Welta'si gisinmi'gig nitapaq.

Nujigina'muet telimugsieg ta'n
teliullugutieg aqq pewalugsieg
siawignu'tmasultinen.



Mu wije'i 'st'ge' ta'n amgwes i'tlmawitamg'p
wen ajipuna'j. Gatu welta'si gisimusga'taq
Pie'l ta'n teligsite'lm'g.

Ta'n tujiw ulte'tas'g wen gisialmittugwen,
na mawita'tesnen aqq geitu gisoltitesnen!



Weita'ie'g Pie'leg na elta'ieg'p Tata't
aqq Giju'eg. Welta'sipnig nemugsie'g.
Apjiw na na'tuen eliet aqq
pipanimata natgoqwei nuta'new.
Gisgug enma'taqatt'pnig mijipjewe.

Me' gatu musuatom ta'n i'tlmittugweiap.



*Jini nemitoq pugwelg ta'n goqwei
piltu'pmiaq nige' aqq musualaji
witapa. Gatu welo'teget ta'n
teliwijitgweiwaj ungi'gug te'sigisg'g
muta weliangweiut.*

*Etlagnutmuaji ungi'gug ta'n witapa
tellugutipnig. Jini wels'tg'p ujjl
telimteg wije'waten plamue'gennij.*

*Jini aqq witapa ne'gaw migwitettaq
ta'n teliaqap ula newtipunqe'g
neia's'geg na 'gsnugowaqan telwisig
COVID-19.*

NA



“Siawiminuignewa’tu’g ‘Gtli’sutiminu”
Listuguj Education, Training & Employment
1 Riverside West,
Listuguj, QC G0C 2R0
www.listuguj.ca